



Broj: 01/04-11-599-4/21
Sarajevo, 07.04.2021. godine

Na osnovu člana 69. stav (2) tačka e) i člana 70. stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14) i člana 38. stav (1) Statuta Grada Sarajeva ("Službene novine Kantona Sarajevo", broj: 34/08-Prečišćeni tekst), gradonačelnik Grada Sarajeva donosi:

ODLUKU **o poništenju postupka javne nabavke**

I

Poništava se postupak javne nabavke pokrenut Odlukom broj: 01/04-11-599-1/21 od 26.02.2021. godine putem Otvorenog postupka za javnu nabavku "Izvođenje radova na sanaciji asfaltnog, pristupa objektu Vidikovac i sanaciji i uređenju prostora oko gornje stanice Trebevičke žičare", iz razloga **što cijene svih prihvatljivih ponuda znatno su veće od osiguranih sredstava za predmetnu nabavku.**

II

Ova Odluka stupa na snagu danom donošenja.

Obrazloženje:

Odlukom broj:01/04-11-599-1/21 od 26.02.2021. godine, pokrenut je postupak javne nabavke za izvođenje radova na sanaciji asfaltnog pristupa objektu Vidikovac i sanaciji i uređenju prostora oko gornje stanice Trebevičke žičare, u postupku provođenja javne nabavke putem Otvorenog postupka. Obavještenje o nabavci objavljeno je na portalu Agencije za javne nabavke broj: 1278-1-3-83-3-9/21 dana 05.03.2021. godine a sažetak obavještenja o nabavci objavljen je u Službenom glasniku BiH broj:15/21 od 12.03.2021. godine.

Sa portala Agencije za javne nabavke, tendersku dokumentaciju je preuzeo 21 ponuđač.

U određenom roku za dostavljanje ponuda na protokol ugovornog organa zaprimljena je samo jedna ponuda i to ponuda ponuđača Dinalsa d.o.o. Sarajevo, ul. Huseina Đoze broj 3 71000 Sarajevo.

Komisija za javnu nabavku imenovana Rješenjem gradonačelnika broj: 01/04-11-599-2/21 od 26.02.2021. godine, izvršila je otvaranje ponuda dana 29.03.2021. godine.

Nakon otvaranja ponude izvršena je detaljna analiza prispjele ponude gdje je utvrđeno da je ponuđač Dinalsa d.o.o. Sarajevo, ul. Huseina Đoze broj 3 71000 Sarajevo, dostavio ponudu u skladu sa zahtjevima ugovornog organa odnosno u skladu sa tenderskom dokumentacijom, te da cijena prispjele ponude iznosi: 209.039,58 KM bez PDV-a, odnosno 244.576,31 KM sa PDV-om.

Komisija za javnu nabavku izvršila je računsku kontrolu prispjele ponude te je utvrdila da je ponuđač pogrešno sabrao stavke u Obrascu za cijenu ponude i to pod:

- IV ZEMLJANI RADOVI;
- VIII KOLOVOZNE KONSTRUKCIJE;
- IX ODVODNJAVANJE ;
- A. III GORNJI PLATO DOLAZNE STANICE;
- B SANACIJA ASFALTOG PRISTUPA OBJEKTU;



Nakon izvršene računske kontrole iznos cijene mijenja se u zbinoj rekapitulaciji , tako da ukupna cijena dostavljene ponude iznosi: **215.574,25 KM** bez PDV-a odnosno **252.221,87 KM** sa PDV-om.

Komisija za javnu nabavku uputila je Zahtjev za prihvatanje ispravke matematičke greške broj:01/04-111430-1/21 dana 30.03.2021. godine, ponuđaču Dinalsa d.o.o. Sarajevo.

Ponuđač Dinalsa d.o.o. Sarajevo, je dana 30.03.2021. godine dostavio pismenu saglasnost broj:0154/21, broj protokola ugovornog organa:04-11-1430-2/21, kojom potvrđuje matematičku grešku i prihvata ispravku ponuđene cijene.

Komisija za provođenje postupka javne nabavke, sačinila je Zapisnik o pregledu i ocjeni ponude te dala preporuku Gradonačelniku Grada Sarajeva, da shodno članu 69.stav (2) tačka e) i članu 70. stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14) donese Odluku o poništenju postupka javne nabavke, obzirom da je Komisija utvrdila, da cijena jedine prihvatljive ponude, ponuđača Dinalsa d.o.o. Sarajevo, u iznosu od **215.574,25 KM bez PDV-a odnosno 252.221,87 KM sa PDV-om**, koja je dostavljena u predmetnom postupku, znatno je veća od osiguranih sredstva za predmetnu nabavku.

Procijenjenu vrijednost- osigurana sredstava ugovornog organa za "Izvođenje radova na sanaciji asfaltnog pristupa objektu Vidikovac i sanaciji i uređenju prostora oko gornje stanice Trebevičke žičare, **iznosi 210.000,00 KM bez PDV-a.**

U postupku donošenja odluke, posebno su cijanjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka. Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnik Grada Sarajeva donosi ovu odluku.

POUKA O PRAVNOM LIJEKU: Protiv ove Odluke može se izjaviti žalba putem ugovornog organa u roku od 10 (deset) dana od dana prijema Odluke

GRADONAČELNIK

mr. Abdulah Skaka

Dostaviti:
-ponuđaču
-a/a